

碭山縣志卷之十四

藝文志下

詩

志藝文而必及夫詩者將以之壯山川乎賁人物乎夫騷人墨客登山臨水之詠固所不遺而彰往詔來借以表章潛德者詎可逸之乎握彤管而擬芳華要不失風人之旨斯可已

唐

秋夜與劉碭山泛燕喜亭池

李白

碭山縣志

卷之十四

藝文志

一

詩

明宰試舟楫張燈宴華池文招梁苑客歌動郢中兒月色望不盡空天交相宜令人欲泛海只待長風吹

宋

遊均慶寺

李咸

一方靈跡兩峯間左右芒山與碭山勝地昔曾鍾王氣高僧誰此掩柴關鸞飛魏殿烟旒碧翠削層崖苔蘚斑千古英雄無處問嶺頭依舊白雲閒

碭山懷古

陳剛

山名芒碭勢穹崇漢祖嚴祠翠霧中紫氣應時騰碧落

素靈何處泣秋風
狐鳴陳涉孤墳
環金盡梁王石室空
畢竟乾坤歸有道
謾誇扛鼎力英雄

元

陪諸公杖履登梁王臺

曹伯啟 邑人 御史

天色廓然秋已暮
幽人欲作登高賦
聯鑣沽酒上繁臺
千古興亡一回顧
百鳥喧啾塔半摧
荆榛掩映臺前路
黃花采采未成歡
日斷荒城起烟霧

題成簡卿心遠亭

虞集

作亭臨河河水渾
草樹繞屋啼鳥聞
夢回枕上彭城雨

碭山縣志 卷之十四

藝文志

二

詩

目送檐間芒碭雲
歸來黃菊有佳色
坐老青山無垢氛
但願樽中常得酒
曲阿莫問舊參軍

明

松峯歌為李牙史穩賦

方豪 棠陵人

芒碭山中雲氣多
千年松樹牽長蘿
入地長凝琥珀汁
倚天橫跨青銅柯
陰崖背日積老雪
迴壑風轉鳴層波
此峯硤兀無能到
吾友李君曾寄傲
小構茆齋猿鶴隣
元談豈無神鬼告
松花郁郁釀酒缸
松子纍纍給茶竈
清陰高卧適素心
大書巨榜張新號
偶向明堂致一枝

稍雲古幹鬱離披入手堪中棟梁任代塵猶挺風霜交
世人愛曲不愛直飄然竟返峯頭息丁固猶聞入夢魂
張良未能忘羽翼天子新開白玉宮大材小幹蒐羅空
使君重上臨安道赤手再扇仁和風會令仁和奈何山靈忽
移檄依舊歸來行接浙山中宰相劇清華身外功名皆
瓦礫巖前七樹名不磨龍鱗馬鬣勁無敵余亦有軒名
個松嘉名白署松卧翁與君所號將無同安得艤舟一
相訪飛身直入松峯中

聞聖駕親征寧藩已幸徐州感而賦此

礪山縣志

卷之十四

藝文志

三

詩

李穩邑人御史

東望彭城瑞靄浮六鰲扶輦下徐州旗分日月開宸御
劍列星辰侍冕旒令肅轅門神策靖咨周民瘼聖恩優
草茅無分趨行役稽首山城媿莫酬

行礪山

王樾

平陸水沄沄蒼芒勢不分魚龍樹杪見鷄犬壑中間野
渡多秋色孤舟半夕曛風波謾瀏慄昏墊正如焚

礪山城

王樾

城外波如沸城中竈已沉還將細柳意聊弭大堤心此

日金爲障他年翠作陰狂瀾何所極延佇一長吟

斬蛇澤

劉繼志 邑人同知

芒碭雲深龍匿跡往來常戴竹皮冠經過大澤長蛇斷
俠氣凌霄拂劍寒

吊程烈女

烈女名思知

陳真銓

邑人貢生

未識藁砧面捐軀頃刻間清風銷玉骨黃土瘞朱顏生
命輕鴻羽綱常重泰山貞魂千古在彤管不能刪

芒碭懷古

劉士嘉

邑人教諭

山含寂寞草含愁蛇斬人亡幾百秋惟有當時雲氣在

碭山縣志

卷之十四

藝文志

四

詩

雨晴還罩數峯頭

華池對月

李嘉言

邑人同知

太白風流絕代高開樽對月與尤豪華池一調垂千古

不向湘江學楚騷

燕喜臺懷古

劉景星

邑人

荒臺寂寞草芊芊幸有傳詩重謫仙明宰風流俱不泯
可無陳蹟紀當年

過舊城

劉

璇

邑廩生

暗淡烟雲日已斜蕭條堤畔數人家依稀景物渾如昨

寂寞荒城半野花

遊碭

彭堯論夏邑人

狂夫家卧滄州上詩舫魚舟浮遠浪
竭來復作看山遊
清夏濃嵐開畫幃雨後羣山添黛綠
雲錦石髮如新浴
逸峯恬壑接平原雉雉叫鶯相斷續
林岫稀踈草木繁
居人尚指漢家村精靈久闕直人死
陵谷萋萋白帝魂
覽勝兼存懷古意世間興廢須臾事
零風碎霧滿山來
笑同遊扶我醉



碭山縣志

卷之十三

藝文志

五

詩

碭山道中懷古

朱彛尊秀水人

舊社枌榆改寒雲芒碭收山風吹野火飛度斬蛇溝

中秋日東郊曉望

李仙植真州人

晴郭寥泬暫支筇望裏層巒出碭峯
細數客程經萬疊
即看鄉夢度千重日斜霜信先催柳
風少濤聲盡在松
不異去年京雒寄仲秋天氣似初冬

渡黃河

李仙植

千里星源一舸通烟橫野渡各西東
清時自是安瀾久
來往都忘利濟功

闕河抵碭山過雲水書屋空觀壁間霖雨蒼生字魂

成一絕并呈高二東軒

鄂爾泰 西林

雲水周遭日問津青奴小憇替黃塵何來霖雨酬江左
重負蒼生是鄙人

春日黃河闕工至碭山書所見

高 斌 東軒

河干緩轡踏平沙雨濶輕塵風物嘉清磬數聲聞野寺
炊烟幾處望田家淡黃嫩綠三眠柳姹紫嫣紅四照花
到眼春光行處好却令使客惜年華

滾滾黃流怒浪翻遙看近碭總銷魂河邊淤地偏收麥

碭山縣志 卷之十四

藝文志

六

詩

隄外人家亦聚村土堰堡夫憐餓鬼雲梯掃手羨飛猿
柳枝折盡椿形古羣立沙灘勢若蹲

題保定司馬邵忠烈傳後

彭壽朋 夏邑人

神州陸沉揚劫灰赤眉青犢爭獐來清苑河邊百花嶼

甲光旗影盈城隈舊守邵公新守何縉紳衿弁皆荷戈
砥礪忠義飭戰守存亡視城矢靡他督勦闕部隴西李

建 泰 蟒玉印劍辨賊事潛向金臺作寓公密把危城代纒

幣陵谷變遷滄桑易普天共泣攀髯血斯時何時真歲
寒松柏菲卉於此決吁嗟江南老貢生先為郡判後郡

丞暫攝守篆義守土數月值此天柱傾降旂一豎城門
裂微臣猶奮常山舌身蹈白刃甘若飴手持銅符僵不
釋嗚呼我非名科甲嗚呼我未登黃閣一死猶慚負國
恩讀聖賢書學何學君不見周召勲名房杜業八座傳
呼去降賊

芒碭雲氣

石杰

有山必有雲龍潛乃表異始皇何其愚東巡厭王氣

心遠亭

郭浩 邑令

孤亭如笠倚晴曛地僻惟應鷗鳥羣千載有心誰共遠

碭山縣志

卷之十四

藝文志

七

詩

風流長憶舊參軍

燕喜臺

郭浩

柳色湖光繞檻開千秋明月幾登臺謫仙去後留題少
却愛農歌到耳來

神湖春水

郭浩

一湖春水碧琉璃綠染東風萬柳齊也似西陵橋畔路
不妨人喚白公隄

芒碭晴雲

郭浩

日射雙峯霽色開望中佳氣幻樓臺曾因隆準歌風起

豈是無心出岫來

邵忠烈公殉節詩

郭浩 福清人

一朝臨大節隻手挺孤忠報國心徒盡嬰城力未窮
惟雙闕戀氣作萬夫雄千載堯峯筆為傳勁草風

神湖春水

呂樾 青浦人

清陰萬柳繞堤邊春水晴光漾碧天遙望一泓波浩渺
漁歌唱晚起炊烟

芒碭晴雲

呂樾

兩山縹緲白雲閒淡蕩晴光鎖翠鬟為補峯巒常繞護
不輕出岫落人間

碭山縣志 卷之十四

藝文志

八

詩

前題

潘大勳 山陰人

翠苻春浮水國妍浴鳧飛鷺滿晴川桃花錦浪千層碧
一片漁帆出曉烟

千秋紫氣壓名山歷歷晴雲尚作鬢為解蒼生無限渴
載將霖雨出重關

芒碭山懷古

張景祁 邑教諭

將將全收國士功誰教鳥盡便藏弓解衣推食皆虛爾
識得先機是蒯通

前題

曹廷襄邑訓導

野雞心事路人知壯士何辜菹醢之剩有安劉平勃在
漢家天祚不輕移

四老從遊羽翼成悲歌一闕不勝情寵姬愛子憑誰託
淚等虞兮一樣傾

遺廟空山草木枯行人駐馬共嗟吁十年魂魄歸鄉里
比得烏江酌酒無

秋日遊湖上郭華寺

李翔鴻邑庠生

孤舟小繫郭華邊策杖憑高意渺然芒碭夕陽斜度鳥

碭山縣志

卷之十四

藝文志

九

詩

神湖秋水淡連天上方月在空諸品半偈心持靜萬緣
潭影閑雲窺色相好從此地學安禪

碭山雜咏

劉臻邑令

地稱梁國俗近鄒風枚叔風流攄幽襟於秋柳青
蓮才筆溯逸韻於平臺芒碭雲連識千秋之王氣
滄浪泉冽占此地之靈鍾江山助厥悲懷風月供
其悵望從多古意是謂名邦然而土半荒磽民疲
庚癸灑演洪流驚桃花於春漲蒼涼古墅披柳線
於秋臯以故披覽無稽風騷靡振邑乘寥寥幾嘆

風微雲散邱墟漠漠祇看木落泉清華表鶴歸莓
苔非舊景陽鐘盡烟月沉空爰披斷碣之餘耶寫
憑闌之思謝公之興寄登臨忽嗟華屋宋玉之悲
成辯些半爲秋風狐父城頭幾番碧草梁王苑裏
一種斜陽句擬稗官尙紀塵蹤於蔓國謳隨社鼓
聊圖民俗於朱陳尙邀季札觀風尙多齊語敢步
長沙弔古競操南音山鬱鬱水鱗鱗漫問刳灰於
曠代傾吾壺擊吾鉢且抒幽緒於今朝云爾

芒碭雲氣

碭山縣志

卷之十四

藝文志

十

詩

虬枝玉薤鎮神隗漠漠齊烟幾點開一自歌風還作社
誰教厭氣尙名臺沈茫軹道飛塵刳歷落雲巖半野苔
今古消沉蒼狗變英雄遺恨後人哀

神湖秋水

九曲洪波曾闕流神湖可似鑑湖秋銀濤已厭登臨興
斥鹵終貽父老憂芒碭風高天漫漫梁園雲散影悠悠
概從 聖澤勤疏鑿一掇春深滿綠疇

燕河晚渡

滾滾星源片舸通估人競擢鯉魚風雲旃暝落鼃鼃寂

銅鼓宵懸鳧雁空渺渺靈槎疑博望匆匆橫隴笑元豐
而今一帶崑崙脉漁唱秋高夕照紅

春堤吟風

千里垂虹一日春春風促馬藉輕塵嬌鶯依柳嘲吟客
乳燕粘花掠渡人牧笛正宜村社賽孱騶不厭長官貧
金墉 聖代歌清宴薺麥青青拂玉津

華池邀月 一名雁池李白與劉錫山泛舟燕喜亭即此

明宰風流燕喜亭玉池秋月至今清華燈未約青蓮醉
落葉先羈郢客情夢遠滄洲波淼淼光搖銀棹露盈盈

碭山縣志 卷之十四

藝文志

十一

詩

驚心澤畔哀鴻急歷碌披星又早征 本碭山人詠嫌其命題不經爰刪去

其三其遺跡可尋者仍錄焉

燕喜臺懷古

劉玉瓊 邑令

白也飄然至曾聞此舉杯人歸已陳迹燕喜尚名臺
月自銀漢華池空翠苔劉郎予竊忝勝地愧重來

讀邵忠烈公傳

劉玉瓊

手握銅符命已輕存亡但識視危城獨支半壁堅臣節
一死千秋壯貢生尚有金張同罵賊 時同金御史毓峒張鄉官羅彥兄弟
居然巡遠可齊名 同死者為知府何復 至今清苑城邊路片石猶

傳義烈聲

讀劉孝姑養親事有感

劉玉瓊

北宮處子世爭奇，僻壤誰期再見之。但得養親如若女，何妨生子不男兒。草衣箬笠忘椎髻，春月秋花懶畫眉。曾過阿姑耕鑿處，慈烏啼煞晚來時。

芒碭山懷古

胡瑛當塗孝廉

高皇潛隱處，千載憶龍顏。一劍平秦郡，三章入漢關。泉聲奔古澤，雲氣卷秋山。策蹇頻搔首，荒祠落木環。

劉孝姑詩

胡瑛當塗孝廉

碭山縣志

卷之十四

藝文志

三

盛朝隆孝治，仁風扇八荒。乃有閩中女，天性敦倫常。嗟哉劉孝姑，以女為兒郎。父死母復瞽，伶丁長徬徨。誰當供甘旨，誰與縫衣裳。念此終不嫁，不復窺紅粧。剪髮似男子，力耕奉高堂。母女兩不離，日夕自相將。朝負至隴畔，暮負歸幃房。草冠却炎暑，簞笠禦寒霜。襖襪聊自給，辛苦幾備嘗。頓令瞽母歡，衰老一以忘。父老或有饋，婉辭慨且慷。累爾代市易，累爾完官糧。卽此亦已惠，何敢復相望。女子受人饋，瓜李母乃妨。幼父老益感，歎正氣塞穹蒼。阿母九十卒，喪葬禮周詳。風木有餘恨，往來省墓

傍省慕恒病涉里人甃橋梁卓彼劉姑橋千載人稱揚
於戲 聖明世重倫如珪璋姑行純而潔宜爾壽而康
古來嬰兒子庶幾相頡頏作歌發潛德足爲邦家光何
當秉彤管女史流徽芳

定國寺道中

團 昇 邑教諭

嘗喧積潦路難通策馬山城又向東此地直應田下下
古來却號賦中中民生戚半緣河水家計勤常藉女紅
回首香城思定國黃流清澈告成功

梅大尹怡園招泛舊城湖觀荷適雨足病濕不得

碭山縣志 卷之十四

藝文志

三

詩

與爲長歌報之

團 昇 儀徵人

我家玉井 宅後橋名 紅蘭橋隔隄子午通江湖城陰不遠足

荷芰花時往往相招邀烏篷小艇水門入雙槳逆流流

轉急便從柳岸聽鷗過徑度菱塘迎鷺立千朶花扶旭

日酣一池葉蓋濃雲濕秉燭常拚徹夜留提壺蚤擬更

番集此事迢迢垂十年至今夢繞餘香裏北來芒碭稱

浮家舊城湖小連象窪我昨日雨坐舴舺短篙格磔摧

蘆葭亦有枯荷三兩葉遠依蘆港橫秋查盱江大尹特

好事所到輒種河陽花侵晨折簡忽見召黃紬被裏傳

放衙語我芙蓉渠正鼎盛及今不樂逝者嗟遙知此會稱
銷夏彼河朔飲徒虛夸吾生緣分遜公等每如肥瘦區
熊羆葑田幾麥白水滿漁菴一帶青楊斜定饒帆影媚
殘照况兼笛響吹晴沙蹒跚兩足起不得中心養養當
如何

冬日舊城湖東怡園慎齋兩明府 團 昇 冠霞

舟車往復幾盤桓晚景荒原忍再看水黯凍雲陰欲雪
風凝枯樹悄生寒本非沃壤寧論歲方有饑黎莫問官
想到燃髭吟苦夜飛鴻聲遠共辛酸

礪山縣志 卷之十四 藝文志 而 詩

賈孝子煦萬里尋親詩以紀之 王 宇 漂陽 孝廉

峩嶺萬里等閒看三上尋親歷歲寒但計家園同日返

豈知蜀道上天難蛟龍窟裡身猶在 孝子嘗溺蜀水 中遇救始免 虎

豹聲中夢亦安却怪彼蒼殊夢夢長留霜月照孤鸞 孝子

奉親歸後竟以勞瘁 死止留寡妻守節

燕喜臺懷古 趙 燮 邑庠

千年一席尙荒臺明宰風流首重回天上謫仙今已去
臺前明月夜還來華池舟楫虛秋水良夜燈筵冷古苔
聞道平臺高百尺可能敵得此崔嵬

憶元人成簡卿心遠直下追和虞道園韻

陳萊孝 海寧人

翹首黃流眼力渾山亭今日已二付傳聞一臆想挹彭城月
百尺應吞楚澤雲心遠何嘗干仕宦地偏端的絕塵氛
成君遺蹟虞公句聊為茲鄉一張軍

遊雁池作

陳萊孝 誰園

野水迷漫是舊城白蓮香裏晚風清分明好似江南景
只少漁歌四五聲

楚漢雄風幾變更閒來凭眺百愁生李侯僊去劉郎死

碭山縣志 卷之十四

藝文志

五

詩

幾箇人傳作達名

邵忠烈殉節詩

陳萊孝

曾將王命守孤城豈與兒曹共一生血淚似珠心不易
黃金如斗手孤擎一腔鐵石勤王志萬古風雷罵賊聲
慙媿出師諸閣部讓君千載獨留名

劉筠谷明府招飲水壺軒卽席賦呈用太白集中

與劉碭山泛燕喜亭詩元韻

陳萊孝

維梁有僊吏邀我對荷池喚酒出松老徵歌來雪兒政
閒狂不礙晝永醉相宜倚檻堪清話香風撲鼻吹

燕河晚渡

陳逢泰

平渡河津日又西
黃沙渺渺望偏迷
洪濤直瀉雲霞動
巨浪平排雁鷺低
九曲迎風從泊斫
千秋到海自揚泥
安瀾績奏推防禦
瓠子無驚春鳥啼

燕喜臺懷古

陳逢泰

燕喜亭臺舊有名
謫仙曾此駐行旌
只今翹首華池月
猶照千秋地主情

經燕喜臺

陳福永

太白曾遊處
茲臺千載傳
我來尋勝跡
秋草滿寒煙
落日飛初雁
平臯接遠天
空餘故城水
淼淼夕陽邊

碭山縣志

卷之十四

藝文志

六

詩

寄均慶寺充上人

陳福永

芒山佳氣鬱
巖巖開士觀
空住泐寥說法
諸天花雨下
繙經絕壁巖
神朝不堪舊業
常相誤况有高
賢易見招
頓欲皈依車
尔向望秋風
遠嶂木蕭蕭

芒山双眺

陳福永

迢遞輕車壁石行
芒峰聳峙勢崢嶸
喧晴鳥語穿林細
繞岫嵐光入望明
陰磴雲封樵徑曲
澗流人渡板橋橫
斷蛇事邈八何在
殘碣斜陽臥古城

弔邵忠烈公

汪碩炳 邑廩生

君不見邵忠烈讀聖賢書能折節文山正氣唯陽擦凜
似秋霜勁如鐵逆闖跳梁圍保定官軍屢敗賊屢勝當
事紛紛議納款公獨毅然不肯應曰予礪山一明經又
不四世為公卿既為天子守此土直拚一死報朝廷一
時聞者淚如沚願共殉城無苟免時事萬分不可為爭
先蹈義何曾變惟公授命更從容城破猶將印綬封南
拜父母北拜闕身騎箕尾歸蒼穹芒山突兀高百丈黃
河汨汨常東放留公壯氣作山河天荒地老永不磨呀
嗟乎天荒地老永不磨

礪山縣志

卷之十四

藝文志

七

詩

有談賈孝子尋親事者得詩八韵

汪碩炳 虎文

尋親忘近遠經歲抵岷峩路自蠶叢人人從鳥道過一
身衝虎豹萬死涉風波未遇心猶壯重來志靡他乍逢
渾似夢細認轉疑訛已識容顏是翻悲涕淚多但知懷
罔極不復恤沉疴孝子雖長逝芳徽永不磨

劉姑橋

李培 邑廩生

礪城東南二十里秋草萋迷隱流水中有斷石橫一橋
當時云為劉姑起我聞劉姑心不凡為親換盡兒女衫

痛親無子欲終養種田日日持長鏡父母憐之議許字
孝姑頓下千行淚曰予不羨雙鴛鴦願合枝頭烏鳥意
鸞鏡罷照妝臺空玉面忍作桃花紅青箬笠遮五月雨
綠莎衣耐三秋風陌上健兒抱鋤哭十山禾稼九不足
弟昆同是堂前人何爲均扳還我毒紫哉孝姑奉甘旨
終身不嫁作男子頓令親老貧亦忘養生送死乃如此
朔風蕭颯天雨雪河水成冰路斷絕廬墓歸來不憚寒
道旁觀者心爲折憐姑敬姑橋忽成人人爭以劉姑名
請看橋下哀湍處猶應蕭蕭風木鳴

礪山縣志

卷之十四

藝文志

六

詩

過邵忠烈公墓

李培
根蟠

風霾朔日沉大明鳳凰飛盡鳴鳶鳴內閣學士領兵出
彰義門啟烽烟橫萬歲山頭靈氣竭保定孤城半壁裂
蟒袍玉帶爭乞降不記正陽門外別壯哉江北老貢士
爲國寧論千萬死氣吞逆賊髮衝冠保印勝于保妻子
君不見顏常山甘心鼎鑊如等閒又不見張睢陽浩氣
與日爭光芒惟公殉節甲申年顏即張即相後先榆林
不守燕京破軍中無曹張空拳惟餘一死答我后孝陵
夜哭神鬼還我公跡來兮在何處一片荒涼狐父聚月

白霜清不見人知有忠魂白來去

燕喜臺尋李青蓮先生題詩處

汪元琛

府知

漫尋遺跡向溟濛
懊惱東湖東
復東明宰已難開
舊燕
謫仙空自惜飛鴻
詩歌想像煙波外
臺榭銷沉草樹中
獨往不堪頻望遠
臨流猶擬借長風

謁邵忠烈公墓

汪元琛

獻其

迢迢孤父聚孤墳
屹嶙峋大書石深刻
日明忠烈臣下
馬亟拜謁西風何酸辛
憶昔崇正季流氛逼
帝闈保定危累卵
百姓卧積薪
維時邵司馬奮袂張孤軍
寧垣溝壑死願與城社殉
復有何知府讓位同遠
巡慷慨與眾誓部署
及縉紳大申授命章
各各怒目瞋奈何李閣部
君恩等越秦北哉老貢生
臨難不顧身正陽門外語
痛哭為數陳毅然支半壁
正氣凌蒼旻大事不可為
捐軀謝君親抵死握符印
雖死指不伸至今百餘年
大節昭然新峩峩雙忠廟
保定祀公及何公為雙忠廟
長傍清苑濱何况埋

陽山縣志

卷之十四

藝文志

九

詩

骨處能不泣鬼神
低徊重低徊
聽聽竄荆榛
落日忽西墜
照耀松與筠
俄聞笙簧發
何處來韶鈞

邵忠烈公殉難

蔣百強

岸生

孤軍慷慨守危城效死先傳老貢生要識疾風知勁草
忠臣原不在科名

燕喜臺懷古

汪元瑛 夏邑副貢

蘆荻蕭蕭滿目秋荒臺依約枕寒流臨風每憶張燈夜
泛月空尋載酒舟燕喜高歌誰擅李陽山軼事僅書劉
華池猶在烟波裏漁笛聲中起白鷗

芒碭懷古

戚道坤 邑庠

芒碭山高瑞靄橫梁園右據左彭城方誇要害為耕隴
誰說炎劉此起彼兵結彩雲猶連漢遠斷蛇石自卧坡平

碭山縣志

卷之十四

藝文志

三

詩

層巒寂寞斜陽下大澤歸來坦坦行

松峯菴懷李僉事

汪元瑛 歸德府庠

牙史歸來此結廬松峯依舊翠陰鋪人間曲直紛難定
獨對蒼然五大夫

心遠亭追和虞道園先生原韵

汪元瑛 夏邑庠生

小亭傳說創成君人境重來感舊聞牧馬曉嘶三徑草
浮鷗晴護一溪雲心緣淡泊耽高隱地卽荒涼避俗氛
高詠虞公好詩句居然健筆掃千軍

賈孝子尋親

朱位元 邑庠

萬里尋親路渺茫艱辛備歷遠投荒一肩行李我嗚道
三載棲身虎豹場却怪無兒同伯道尚傳孝子勝應祥
傷心父老殷勤語不讀南陔已斷腸

過劉姑橋有感

汪元玠

省墓寧嗟道路難一橋猶壓水光寒始知世有嬰兒子
不特前身是木蘭

芒碭雲氣賦

以大風起兮雲飛揚爲韵

吕

瑚邑貢生

懿芒碭之高峯控荆徐而爲會紛佳氣之葱蘢
媿輪囷其若蓋觸石起兮微微彌天散而靄靄
試極目于晴巒嗟輝光之甚大原夫炎靈兆瑞
紫氣摩空依微遠岫飄渺穹隆豈三色以爲霽
時五彩而若虹昭赤符之仙籙泣素靈于秋風
臺築山頭空傳當年之厭氣劍倚天上獨留萬古
之豐隆爾乃世代迢迢山雲時起環嶺如烟隨風
散綺或彩映乎深林或藍鋪於遠水恍三島之烟霞
疑七襄之青紫於是張錦翼曳輕絲層漪叠巘玉葉

碭山縣志

卷之十四

藝文志

一

賦

金枝龍伸夔屈鳳逸鸞追楚些錦章字霏霏矣帝歌卿
爛糺縵縵兮豈同映野之華蓋圍軫之蒼霓也哉至若
瞰香臺之曉鬢雜嬌鳥於晨曛半規出島升霞續紛有
如擘絮無異曝纒送落暉于薄暮亦踈歷而成文又如
春覆滿嶺之花黶黶時布夏滌歔蒸而雨霰霽可欣秋
日高兮形淡蕩冬風烈兮氣氤氳非榮光之異致豈芒
碭之真雲則夫巫峯宋玉朝雲依稀約文雕籠蘓子詞
揮雅道益精入張廻苦吟之夢甘泉逸韻記漢成紫殿
之嶽占五文而知隱比過三素而可仙飛落檻微陰譏

在公之寡澤白衣蒼狗悟涉世之多違皆非所以吊漢
高之遺蹟登臺寺而瞻翠微也爾其名流蠟屐高士蹇
裳過斬蛇之澤上赤帝之岡攬峯巒之疊翠眄雲影於
天光丹衢垂象碧落呈祥車蓋亭亭翔空中之翡翠樓
臺隱隱映天半之霓裳比泰岱之雨崇朝逾時開霽如
齊州之烟九點極望微芒氣接宴臺之璵席彩昭梁苑
之文章想當年兮攀陟必揮毫而流芳山寂寂兮如待
風飄飄以輕揚余愛碭雲之靈靈兮雲贈余以悠長願
乘躋以來往聊適興以徜徉

